

Innarluutillit pisinnaatitaaffii pillugit Nunarsuarmioqatigiit isumaqatigiissutaasa nunatsinnilu innarluutillit pisinnaatitaaffiisa tamakkiisumik illersorneqarsinnaasumillu atuutsinneqarnissaat anguniarlugu Naalakkersuisut kingusinnerpaamik 2017-imi Innarluutillit illersuisuannik pilersitseqqullugit Inatsisartut aalajangiiffigisassaattut siunnersuut.

(Inatsisartunut ilaasortaq, Vivian Motzfeldt, Siumut)

Akissuteqaat

(Ilaqutariinnermut, Naligiissitaanermut Isumaginninnermullu Naalakkersuisoq)

Aappassaaneerera

Aalajangiussassatut siunnersuutip peqqissaartumik pitsaasumillu suliarineqarneranut ataatsimiititaliamut qujanaq.

Aalajangiussassatut siunnersuummut Ataatsimiititaliap tapersiinera Naalakkersuisut paasisinnaalluarpaat, aammalu aningaasanut inatsimmi atugassarititaasunik immikkoortitsinissamut atatillugu kiisalu illersuisup suliaqarfiata inissinneqarfissaa eqqarsaatigalugu malinnaaqqinniarlutik.

Annertuumik innarluutilinnut ikiorsiisarneq pillugu UPA 2017-imut inatsisissatut siunnersuutip piareersarneranut atatillugu siunnersuutip matuma pisariaqartitamik mianerinissaa Naalakkersuisut suliarinninnerminnut ilanngunniarpaat.

Taamatut oqaaseqarluta Ataatsimiititaliap inassuteqaataa Naalakkersuisut akuersaarpaat.